

**UCAPAN OLEH**  
**YANG BERUSAHA EN. HAMZAH BIN MOHAMAD**  
**PENGARAH JABATAN ALAM SEKITAR NEGERI SARAWAK**  
**MAJLIS SAMBUTAN HARI ALAM SEKITAR SEDUNIA**  
**PERINGKAT NEGERI SARAWAK 2020 MELALUI APLIKASI ZOOM**  
**MEETING**  
**PADA 5 JUN 2020 (JUMAAT)**

---

BismillahirRahmannirRahim.

Assalamualaikum Warahmatullahi Wabarakatuh dan Salam Sejahtera

1. Terlebih dahulu saya ingin mengucapkan Selamat Menyambut Hari Raya Aidilfitri kepada semua umat Islam di seluruh Negara dan juga Selamat Menyambut Hari Gawai kepada semua masyarakat Dayak di Negeri Sarawak. Gayu Guru Gerai Nyamai.
2. Tahun 2020 adalah tahun yang mencabar bagi kita semua. Dalam kita mengharungi cabaran pandemik Covid-19 ini, secara sedar atau tidak sedar, bumi menjalani pemulihan, tahap pencemaran semakin menurun, sungai kembali jernih dan udara menjadi lebih segar. Inilah ibrah yang perlu kita insafi di sebalik musibah yang melanda seluruh dunia pada masa ini.
3. Hari Alam Sekitar Sedunia disambut pada 5 Jun setiap tahun. Dalam keadaan negara kita masih berjuang membendung penularan wabak Covid-19 ini melalui Perintah Kawalan Pergerakan Bersyarat, norma baharu dan penjarakan sosial, situasi ini tidak menghalang kita untuk meraikan Sambutan Hari Alam Sekitar Sedunia Tahun 2020.

4. Dengan tema biodiversiti pada tahun ini, marilah kita sama-sama menjaga kesejahteraan alam sekitar. Sokongan, komitmen dan tindakan semua pihak amat penting untuk memelihara dan memulihara bumi yang kita cintai ini. Alam Sekitar Tanggungjawab Bersama. Selamat Menyambut Hari Alam Sekitar Sedunia Tahun 2020.

Sekian, terima kasih.